

Goibekokale

ELGETA / Barikua / 2005eko otsailaren 25a / 217. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Txabolen gaineko datuak jasotzen dabil Udala

IRATI AGIRREAZALDEGI

Udala herrian eta inguruetan dauden txabolen gaineko ikerketa egiten dabil. Datuak jasotzerakoan ikusi dute hainbat txabolak ez dituztela betetzen udal ordenantzek eskatutako baldintzak. Beraz, erabaki egin beharko dute zein neurri hartu gai horretan.

Elgeta eta inguruetan gutxi gora-behera 22 txabola daude. Txabola horien gaineko datuak jaso ditu Udalak, ikusteko zein egoeratan dauden. Bide batez, aztertu dute ea txabolen gaineko ordenantzak esaten dutena betetzen duten.

Oraingoz, hamar txabolaren datuak jaso dituzte fitxetan. Besteak beste, aztertu dute non dagoen, lursailak zenbateko hedadura duen, txabolak zenbat neurtzen duen, txabola egiteko baimena zeinek eskatu duen eta baita txabola zertarako erabiltzen den ere.

LANABESAK GORDETZEKO

Ordenantzaren arabera txabolak ezin ditu 15 metro koadro baino gehiago izan. Era berean, nekazaritzako lanabesak gordetzeko baino ezin izango dira erabili.



GOIBEKOKALE

Txabolek ezin dute 15 metro koadro baino gehiago izan ordenantzen arabera.

Datuak jasotzerakoan, ordea, ikusi dute txabola gehienek ez dituztela baldintzak betetzen. Batzuetan animaliak ere gordetzen dituzte. Beste batzuk, berriz,

txoko modura erabiltzen dira eta neurria ez dute errespetatzen.

Hala, erabaki behar dute txabolei buruzko ordenantza aldatzea edo beste neurri batzuk hartzea.

KULTURA

Bertso saioa eta Big Banda Espaloian

I.A.

Gaur, barikua, bertso saioa izango da Espaloian Udalak antolatuta. 22:30ean hasiko da saioa eta Sebastian Lizaso, Iñaki Murua, Unai Agirre eta Estitxu Arozena bertsolariak jardungo dute bertsoan Unai Elizasu gai jartzaileraren esanetara.

Bestalde, zapatuan Arrasate Musikaleko Big Bandaren emanaldia izango da 22:30ean. Zigor Martinezen zuzendaritzapean 20 musikari arituko dira.

PIEZA MODERNOAK

Arrasate Musikaleko ikasleak eta irakasleek osatzen dute talde bost saxofoi, lau tronboi, berriz, tronpeta, hiru gitarra, pianoa, bateria eta abeslari bat izango dira taula gainean.

Guztira 12 pieza joko dituzte modernoak denak. Musika esklusibo asko entzuteko aukera eskaintzen duen programa berririk niko dute, gainera: bluesa, jazz, bossa nova, rocka...

Bergaran izandako arrasatearren ostean Elgetan ere martxoaren 31n berean jardutea da euren asmoa.



Arrasate Musikaleko Big Banda eskolako 20 musikarik osatzen dute.

HERRITARREN HITZA / Alberto Telleria • Administrazioko langilea

Hau, hori, ura

Askotan berba asko eta ekintza gutxi izan arren, sinistu egiten dot erakunde publikoak antolatutako programetan. Adibidez, Tokiko Agenda 21ian, udalagintariak sustatutako eta garatutako Ingurumeneko Ekintza Planian, "udalerrriaren etengabe ingurumen-hobekuntzaren bidean jarduteko konpromisoa" hartzen dabelako eta helburua. "udalerririko biztanleen bizi-kalitatea hobetzea" dalako.

Sinisten dot zientzian, eta erakunde publikoak ematen dituen datu zientifikuetan. Orduan, sinistu egin bihar Aixolako

urak kalitate ona dakala.

Baiña zientzian eta erakundietan sinisten badot, sinistu egin bihar Elgetako Udalak enpresa bati eskatutako txostenian. Bertan, ondorixoa moduan agertzen da, isuri industrialak egon badagozela eta ez dagueela horren gaineko kontrolrik. Eta ezaguna da

ikerketa horrek dakarren beste puntu bat: poligonoko enpresak batek saniamentuak egiterako-



"Sarri ikusi izan dot Aixola errekan holako bits misterioitsu bat"

an nahastu, eta ur-beltzak eta euri-urak bat egin, eta hondakin-urak Aixola errekan doiazela.

Ni neu ez naiz zientzialarixa, baiña sinistu egiten dot nere begixen aurrian ikusten dotena eta sarri ikusi izan dot Aixola errekan, Lehenengo errekin eta Bigarren-

ekin bat egin aurretik, holako bits misterioitsu bat, edo beste batzutan ur likiña. Ziur nago

Ubein ez dala jaixotzen holako bitsik eta urik.

Sinistu egiten dot horrek urok Aixolako presara ailegatu orduko, Lehenengo errekiak; Bigarrenak; Hirugarrenak eta, gehixenbat, Txuloko errekiak garbitzen dituela. Eta urak analisatzeko lagiñak Urbedeinketun hartzen direla.

Baiña sinistu be sinistu egiten dot oin dala 10-12 urte amorrainak Aixola errekan gora, ixa kaleraño igotzen ebela. Gaur da eguna hain goixan amorrain bat ikusteko, bat bera falta dala. Zientzialari ez gazenondako hori baiño datu hoberik?

LABUR

Pello Alberdiren erakusketa Gasteizen

Pello Alberdi Elgetako pelloaren margolanak ikusgai izango dira martxoaren 31n Gasteizen. Cercas Bajas kaleko Pello Alberdi erakusketa Gasteizen zuzen zerbakian dagoen Pello Alberdi arte galerian, Pello Alberdi niko ditu olio zerbakian gasteiz egindako hiri-paisaiak. Martxoaren 31n inauguratuko dute erakusketa 20:00etan martxoaren 31ra arte egongo da zabalik. Arratsaldeko 17:00etatik 21:00etara ikusgai izango dira Alberdi koadroak, astelehenera bitartean.

ELKARRIZKETA

ANTONIO IRISARRI/ARGAZKILARIA

“Nire argazkiak politak dira, baina ez kalitatezkoak”

I.A.

Lizarrakoa izatez, Eibarrren bizi da Antonio Irisarri. Parkinson gaitzari aurre egiteko argazkilaritzan barneratzen da buru-belarri, eta bere lanak Espaloian ipini ditu ikusgai. Martxoaren 3ra arte egongo da erakusketa bertan.

Nola hasi zinen argazkilaritzan?

Ezerezetik hasi nintzen argazkiak ateratzen, lehen semea jaio zenean; 47 urte ditu hark, eta nik oraindik jarraitu egiten dut.

Zein teknika lantzen duzu?

Tontoen teknika deitzen diot nik; begiratzen ikasi eta botoia sakatu. Eginaren eginez ikasi dut eta ikastaro batzuetan ere hartu dut parte; Agirresarobe anaiekin edo Gipuzkoako Argazkilarien Elkartean, esaterako. Lehen, zuri-beltzean egiten nituen argazkiak, baina gaixotu nintzenezan laborategian bakarrik lan egiteak erreparoa ematen zidan.

Azkenaldian ordenagailuarekin egiten duzu lan, ezta?

Bai, eskaneatutako edo kamera digitalarekin ateratako argaz-

kiak manipulatzeko ditut. Argazkilaritzaz askorik ulertzen ez dutenendako argazki politak dira nireak, baina kalitatez ez dira horren onak.

Zure gaixotasunari aurre egiteko terapia modura erabiltzen duzu argazkilaritza.

Parkinsona dut, eta argazkilaritzan jardungo ez banu erabat tontatuko nintzateke. Ezinegona sartzen zaidanean ordenagailu aurrean jarri eta argazkiekin jolasean jarduten dut. Erretiratuta egon arren, hori da nire lana, gustuko dudana, gainera.

Hau ez da egin duzun lehen erakusketa.

Orain hiru erakusketa egin ditut bata bestearen jarraian: Eibarren, Lizarran eta Elgetan.

“Parkinsona dut, eta argazkilaritzan jardungo ez banu erabat tontatuko nintzateke”

Ezagutzen nauten lekuetatik deitzen didate, eta horregatik ausartzen naiz. Izan ere, nire argazkiak adituendako ez dira onak; politak bai, baina onak ez.

Zer ikusiko du Espaloiko erakusketara joaten denak?


Askotariko argazkiak zintzilikatu ditut Espaloian. Bai zuri-beltzean eta baita koloreetan ere. Gai bakarrek erakusketak ikusleak aspertzen dutela uste dut. Beraz, ikusleekin pentsatuz eurei gustatzeko moduko erakusketa prestatu dut. Bidaletako, Eibar-ko eta Lizarrako argazkiak daude, besteak beste. Aretoa egokia da, eta elgetarrak nire lanak ikustera gonbidatu nahi nituzke.

Zeri ateratzen dizkiozu argazkiak?

Edozeri, irudi bat lapurtzen uzten didan orori. Erretratuak eta biluziak gustuko ditut, baina ez ditut horren ongi ateratzen.

Zein proiektu duzu aurrera begira?

Bizitza eta gauzak egiten jarraitzea. Izan ere, gaixotasuna dela medio, gauzak egiteko gai naizen artean nire buruari erakusten diot bizi naizela.



A.I.A.

UDALA

EAJ-EAko zinegotziek gezurtatu egin dituzte Aralarren salaketak

I.A.

Aralar alderdiak orain dela gutxi egindako adierazpenak gezurtatu egin ditu EAJ-EAko zinegotzi taldeak. Eta bide batez eskatu diete Aralarkoei euren aurka esandakoak publikoki zuzentzeko.

Elgetako Udaleko EAJ-EAko zinegotzi taldeak prentsa ohar baten bidez gezurtatu egin ditu Elgetako Aralarrek orain dela gutxi egindako adierazpenak. “Lege-

aldi honetan ohikoa gertatzen ari den bezala, gehiegikeriaz, zuri-keriaz eta sentsazionalismoz egindako adierazpenak izan dira”, euren esanetan.

Hala, herritarrak “lasaitu” egin nahi dituzte zera esanez: “Legealdi honetarako onartutako konpromiso guztiak aurrera doaz: industrialdea handitzea, Espaloia, eguneko zentroa, etxebizitza berriak, saihebidetza... Gure herriko ongizatearen alde lanean jarraituko dugu dagokigun seriotasunez eta zorrotasunez”.

Bestalde, atsekabea azaldu dute “Udalan elkarlana baino iskanbila nahiago duten ordezkari politiko batzuekin batera egoteagatik”.

Idatzi horretan diote aspertuta daudela “euren jarrera arduragabe eta kaltegarriarekin”. Beraz, Aralarrek egindako salaketei erantzun zehatz eta publikoa emango diete. “Talde politiko horri behingoz bere harrokeria alboratu eta egin dituen adierazpenak zuzentzea besterik ez diogu eskatzen”, esan dute.

LABUR

Domekako erreferendumean 271 elgetarrek ezetz esan zioten itunari

Espero moduan, Europako Itunaren galdeketa ez zuen arrakasta handirik izan domekan. Barne Ministerioko datuen arabera, Elgetan aukera izan arren 474 lagun ez ziren bozkatzera joan. Absentzia, beraz, %55 izan zen. Bozkatu zutenen artean ezezkoa izan zen nagusi; 271 ezezko boto jašo ziren Elgetako hauteskunde-mahaian; baiezkoak 108 boto izan ziren, eta zuriak sei.

Korrika 14ko kilometroak erosteko jaia egingo dute zapatuan gaztetxean

Elgeta Auzolanian plataformak, Elgetako Euskal Herrian Euskarazek, Esna Adik eta gaztetxeak Korrikako kilometro bat erosi nahi dute elkarren artean. Horretarako dirua lortzeko jaia antolatu dute. Jaia zapatuan izango da. 20:00etan triki-bertsu poteoa egingo dute gaztetxetik abiatuta; 22:00ak aldera pintxoak, ogitar-tekoak eta edaria ipiniko dituzte salgai gaztetxean; eta ondoren, 23:00etan kontzertua izango da Skye eta Triki taldeekin.

JAR EZAZU HEMEN ZURE PUBLIZITATEA

Goibekokale

943 76 92 71

ILE APAINDEGIEN GIDA

SONIA ETA JUAN /SANCHEZ ILE APAINDEGIKOAK

'Labanaz mozten zuen lehen ile apaintzailea izan nintzen Bergaran'

Zenbat urte daramatzazu gizonezkoak orrazten ?

Ni —Juan Sanchez— 11 urterekin hasi nintzen ilea mozten, Avilan. Dena dela, 9 urte nituela bizarra ere mozten nuen. Bergaran, orain dela 42 urte zabaldu nuen Sanchez ile apaindegia, lehenengo Zubieta kalean eta gero Fraiskozuri plazan. Labanaz mozten zuen lehen ile apaintzailea izan nintzen Bergaran. Sonia, alaba, orain dela 11 urte hasi zen nirekin lanean; harena hirugarren belaunaldia da.

Moda jarraitzaileak zarate?

Gure ofizioan ezinbestekoa da moda jarraitzea; dena dela, orain kirolariak dira gazteen artean moda markatzen dutenak. Bezero askok Beckhåmen, Yesteren eta Goñiren orrazkerak egiteko eskatzen digute. Gure ustez gizonezkoetan hiru etapa egoten dira: umetan ile motza amak horrela esaten duelako, gaztetan luzea norberak aukeratzen duelako, eta nagusitzean berriro ere motza. Erabiltzen ditugun markak hauek dira: RC, Montibelo eta L'Oréal. Gipuzkoako gizonezkoen ile apaindegien elkarteko kideak gara. Normalean ni —Sonia— Donostiara joaten naiz elkarteak antolatzen dituen ikastaroetara. Galak ikustera, berriz, Madril edo Bartzelonara joaten naiz.

Zer-nolako bezeroak dituzu?

Jaioberrietatik hasi eta nagusietara arte. Ez da berdina neskei ilea moztea edo mutilei ilea moztea, ez da teknika bera.

Jendea ausarta da?

Jende gaztea geroz eta ausartagoa da. Nagusiak, berriz, betikoa egitera etortzen dira, klasikoagoak dira. Azkenaldian moda kontua gizonezkoen gauza ere bada.

Jendeak zaintzen du ilea?

Ilean arazorik ez dutenean ez dira larregi ardura-zen ilea zaintzeaz. Arazoren bat dutenean, berriz, lehenak dira gomendatutako xanpuarekin garbitzen. Geroz eta arazo gehiago dituzte gaur egungo umeek



Sonia eta Juan, aita-alabak

buru-azalean. Guk hau gomendatzen dugu: ilea umetatik xanpu onarekin garbitzea. Bezero batzuei medikuarengana joatea ere gomendatzen diegu.

Aholkuak ematen dituzu?

Bai, normalean egindako orrazkera nola eraman dezaketen esaten diet. Baita nola zaindu ere.

Zer da gehien eramatea dena? Eta zer egiten duzu gehien?

Gehien eramatea dena ile motza da. Geroz eta gehiago eskatzen didate kolorea eta metxak egitea. Azken tendentzia, berriz, orraztu gabeko itxura ematen duen orrazkera eramatea da. Ilea puntetan neurri desberdinetara moztuta.

Bezeroek lagatzen dizute nahi duzuna egiten ala ideia garbiekin etortzen dira?

Denetarik bezeroak ditugu. Nagusiek normalean betikoa eskatzen digute. Gazteak dira gauza berriak egitera gehiago ausartzen direnak. Aholkua eskatzen digute orrazkera berrien inguruan. Gazteen artean ideia finkoekin etortzen direnak ere badaude.

Ile apaindegia bakarrik ala beste zerbitzu batzuk ere eskaintzen dituzue?

Ile mozteaz aparte, bizarra ere mozten dugu. Bizarra ezkontzetan eta egun berezietan mozten dugu gehienbat.



Fraiskozuri 4 • Bergara • 943 76 23 70

- Gizonezkoendako
- Labanaz moztea
- Klasikoa/moderno
- Bizartegia
- Kolorea

Aukera onenak

ADATS

Herri lagunak 4 - Bergara
943 76 49 51

- Solarium bertikala
- Europako azken tendentziak
- Zerbitzu berezi eta pertsonalizatua



Boni Laskurain 2 - Bergara
943 76 43 07

- Txapelketetako Gipuzkoa taldekoak
- Kérastase tratamenduak
- Makillaje bereziak
- Abangoardia lanak

BEROTZI

PELUQUERAS

D. Fleming 5 - Bergara
943 76 53 15

- Sebastian promozio bereziak
- Trucco makillajea
- Londres eta New Yorkeko azken tendentziak
- Schwarzkopf kolorea

disdira

ile apaindegia

Masterreka 7 - Bergara
943 76 00 55

- Luzatzeak
- Azken joerak
- Ezkontzak
- Azken joerak koloreetan

IDOIA

Espoloia 4 - Bergara
943 76 97 75

- Ile luzatzeak
- Aurpegiko larruazal garbitzea
- Solariuma

ileak

Ozaeta 3 - Bergara
943 76 22 54

- Ilerako tratamenduak
- Teknika berriak
- Era guztietako orraskerak

IZARRA

San Pedro 23 - Bergara
943 76 29 72

- Luzatzeak, ile-kordak, rastak
- Ilerako bitxiak
- Solariuma dutxarekin

KIZKUR

Bolu 51 - Bergara
943 76 50 32

- Ile apaindegia eta estetika areto integrala
- Azken joerak
- Puntako markak

ORRASKI

San Pedro 6 - Bergara
943 76 47 01

- Ile apaindegi mistoa
- Kolore bereziak
- Ezkontzak
- Solariuma



Ibargarai 42 - Bergara
943 76 72 76

- Ile mozte eta kolore pertsonalizatuak
- Depilazioa eta makillajea
- Solariuma dutxarekin

Pepelu

Zurradero 2 - Bergara
943 76 43 07

- Gizonezkoendako
- Labanaz moztea
- Azken tendentziak
- Bizartegia
- Kolorea